

ONLINE/BANK TRANSACTION TOH KISAI NGETNA LEH KITHEIHSAKNA

Pathian mi siangthoute'n anuai a i Saptuam bank account ah online payment facility tuamtuan zang in biakna leh thilpiak thohlawm tuamtuan (Sawm-a-khat, Missionary Vakna, Antangpham, GBC, etc.) i pia seuhseuh ua, khateng a lut lak a 50% sang a tamzaw bank direct transfer hi ahi. Toupa min phat in om hen! Sunzom zel ni. Transaction pen NEFT mode hithei leh duhthusam ahi. Record fel leh lemtang sem ding gelna in thilpiak leh transaction details hilh/submit na ding saptuam website a "THILPIAK" kichi kibawl hi.

Transfer mode leh Bank zat a tuam dungzui in remarks kigelhte (adiak in Quick/Mobile apan transfer te) dawkkim vek lou sek ahihman in thilpiak detail email finance@ebccdelhi.org in hiam <https://ebccdelhi.org/thilpiak.html> hiam a theihsak zel ding ngaihpomoh in nei chiat ni chih i kingen thakthak ahi.

"Evangelical Baptist Convention"

A/c No. 11084241142

State Bank of India, New Delhi

Main Branch Parliament Street, New Delhi - 110001

IFS Code SBIN0000691

Email: finance@ebccdelhi.org

NGAIHNAT CHIALNA

I Toupa Jesu Khrist min in chibai aw. Pathian in lem ahon sakpih leh a hong tung ding June 22, 2019(Kiginni) 10:00 AM in ka tapa uh Mr. Thangbiaklian Tonsing leh Miss Vungliansang I biakinn uah saptuam dan siangthou in kiteng ding uhi.

Hiai kitenna hong theihpih ding leh azoh phet a biakinn basement a moulopna hunzat hong uap ding in saptuam mipite kuapeuh ngaina mahmah in ka hon chial uhi.

Chialtu

Mr. Chinkhanpau Tonsing & Family

EBC CHURCH, PLOT NO. 16, POCKET 6, NASIRPUR, SEC.1A, DWARKA, NEW DELHI - 110045
pastor@ebccdelhi.org | www.ebccdelhi.org | 9811343689

NIPINI NAWN BIAKNA HUNZEK

June 16, 2019

PATE' NI

11:00 AM : ZINGLAM BIAKNA KIKHOP

Biakna & Phatna : WT Makaih in
Thilpiak latna : Upa T. Songzalian
Thugenna : Pastor
Phatkawmna : WT Makaih in
Hunkhakna : Upa Chinsum

02:00 PM SUNNUNG BIAKNA KIKHOP

Biakna & Phatna : WT Makaih in
Thilpiak latna : Upa T. Thiankhanmuan
Thugenna/ Interaction : Pastor
Phatkawmna : WT Makaih in
Hunkhakna : Upa H. Zabiak

PATE'N INTERACTION NEI DING

Hong tung ding Pate Ni(16/06/2019) Nitaklam kikhop a Thugenna toh kizom in Pate toh interaction leh Pa hinailoute adi'a kisakholhna ding a poimohte kikapna om ding. Hiai hun ah Pa hihna a chouna, haksakna, hamphatna leh Pa hihna toh kisai a issue omte kikupkhawmna Lai Siangthou pansan in om ding. Innkuan a Pate telkim chiat di'a lamet i hi.

BYF CORNER

NGETNA

EBCC Bangalore in biakinn lamna diing Project a T. Shirt hoihtak a bawl uh piece bangzah hiam omlai. Saptuam mipi a lakha nailoute'n laksak siausiau di'n i kingen hi. Size -XS, S, M, L, XL & XXL, colour-Red leh a manzah Rs. 399/- ahi. Kikhop tawp chiang in biakinn kong ah muhtheih ding.

TABLE MINISTRY

Tuni a I dawn di singpi leh sangte Minister Pu V. Hangkhanlian, nipini paita a hong kikhawm in hon sponsore ahi. Pu Lian tungtawn a saptuamte'n vualzawl na i don uh hampha i kisa a, maban a kalsuan zelna ding ah Toupa' ompihna I deihsak ahi. Pu Lian, Toupa'n hon makaih in hon vualzawl zel leh chih saptuamte thumna ahi.

Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

Huan, uain kham in om kei un, huai ah tuh kideklouhna a om ngal a; Kha a dim in om zaw un.
[Ephesate:5:18]

PRAYER POINTS

- Tuni Nipini hun hoih hon musak a, I ngaklah Pentecost Ni, mun tuamtuan a hon zangsak TOUPA min i phat hi.
- Damlou a omlelte leh a kemtute I phawk hi. Pathian in damna leh thathak a piakna ding in TOUPA khut ah kemsak ni.
- Pastor Thuamminlian Guite leh tuailai mi thumte Chandigarh saptuam veh in hoh uhi. Programme lohching leh manpha a va zattheih na ding un leh damtak a hong tungnawn na ding un thumpih ni.
- I saptuam enkai tute, department chih a makaite leh sumsai lamte thumna ah phok zel ni. Toupa deihdan a hon makaih theih ua, sumsai tenle fel leh kizentak a hon saitouh theih zel na ding un thumpih ni.
- Saptuam mipi kuapeuhmah mimal thumna a leng kiphok tuah zel a, biakna hun nuam zangkawm theizel ding in ki haanthawntuah chiat ni.
- Nipini nawn biakna hunseh kigelte manphatak a i zat theihna ding un Toupa khut hat ah lankhe ni.

June 2019 USHER

Mipi Biakkhawmna hunte a Usher-te :

11:00 AM :

Mohammedpur Prayer Cell leh
Safdarjung Enclave Prayer Cell

02:00 PM :

TBYF R.K. Puram Area Fellowship



Tukha Thupi

Naupang Leh Pa Hihna
A Pathian Pomtak Biak Piakna

For Private Circulation Only | June 09, 2019

TUNI BIAKNA HUNZEK

09:30 AM : COUNSELLING HUN

PENTECOST NI

11:00 AM : ZINGLAM BIAKNA KIKHOP

Biakna & Phatna : WT Makaih in
Thilpiak latna : Upa Thangkhosiam Tonsing
Thugenna : Pastor
Phatkawmna : WT Makaih in
Hunkhakna : Upa Tuanmuanthang

TEA FELLOWSHIP

02:00 PM SUNNUNG BIAKNA KIKHOP

Biakna & Phatna : WT Makaih in
Thilpiak latna : Upa Khamkhanpau
Special No. : TBYF
Thugenna : Pastor
Phatkawmna : WT Makaih in
Hunkhakna : Upa Thianzakham

TEA FELLOWSHIP

BCD SUNDAY SCHOOL PROGRAMME

"PATHIAN' POMTAK BIAKNA" *Rome-te 12.1*

Amun: BCD Hall

Ahun : 09/06/2019 11:00hrs Nipini 2na

Pitu : Htn Biakching

Bible Sima thumna: S Liangoumung, Inter
Phatkawmna leh

Lathak sinna : Lapite makaih

Thilpiak Latna

leh Toupa Thumna : Htn Sonkim

Pawl kikhenna om ding

Music Club Lasinna omding

June khasung Ushers dingte: Htn Lialian leh

Htn Muante

KHA SIANGTHOU PIAKNA ZIAK

"...Ahihhang in, Kha Siangthou noute' tung a hong tun Chiang in, vangletna na nei ding uh a, Jerusalem ah, Judia gam khempeuh ah, Samari gam ah leh, kawlmong dong in, kei hon theihpihte na hiding uhi," a chi hi. Nasepte 1:8

Pentecost bang chihna? Sawmngana (50th) chihna ahi. Huai tuh Judate' adia Passover apan ni 50 chin ni ahi. Bangziak a pentecost ni sese a Kha Siangthou piak a om? Khatna ah, Judate ni poimawh buhlak paw (feast of harvest) ahih ban ah, intertestamental period hun a "Dan sawm piakni" theihgigena a zatzel ahihman in, Jerusalem ah mi tampi hong paikhawm sek uhi. Huai mipi tampi omkhawm lai a thiltung ding aToupa'n a deiha om ahikha ding. Nihna ah, Buhlak Pawi ahihna toh Toupa'n khalam buh lak ding tampi om ahihdan a taklat nop ziak ahikha ding.

Kha Siangthou kua a? Impersonal force - huih, mei leh thil banghiam tha pethei maimai hilou. Pathian (Divine Person) ahi. Pathian a mi thum (the third Person in the Trinity) lak a ahi. A chihleh Pathian thum pha maw? Hilou, Pathian tuh khat ahi (Diu 6:4). Himahleh mi hihna thum nei - Pa, Tapa, Kha Siangthou, tangtawn a omden, tangtawn Pathian ahi. Ahihleh tangtawn a omden ahilai a, bangziak a Pentecost ni a piakthak a om poimoh ahia? A ziak bangzah hiam i en ding.

KHATNA AH, EI A TENGDEN DING A PIAK A OM AHI:

Thukhunlui hun ah bel Pathian in a mite a poimoh hun in a Kha in tuam zel a, paisan zel hi. Himahleh, Thukhunthak hun ah Toupa Jesu'n Pa kiang a hon ngetsak bang in, hon nuse nawnlou ding, hon ompihden a, i sung a tengden ding in Pentecost ni in hon peta hi. Ke'n ka Pa' kiang ah ka ngen ding a, Ama'n noute hon ompih gige ding Panpihpa (to help and be with you forever) dang khat hon pe ding ahi" (Jn. 14:16); Ngai un, khang hun tawp dong in, noute kon ompih gige hi (Matt. 28:20). Hiai Kha Siangthou tuh eite hon Panpihpa, Khamuanpa leh Sinsakpa ahi. Gingtute khattang a omlou a hon ompihden, I haksatnate hon panpih a tha hon guantu, i lungkham hun leh mangbat hun

a khamuantu leh a Thutak hon sinsak a, hon makaih gige ding a piak ihi. Hiai Kha Siangthou tuh, i Toupa Jesu Khrist leh Pa Pathian Kha mah ahi (Is. 11:2; 2Kor. 3:3; Rom, 8:9; Gal. 4:6; Phil. 1:9)

NIHNA AH, HON CHIAMTEHTU LEH KEMBITTU HIDING A PIAK I HI: Pathian tate'n tatna bukim, thupisakna kitang nailou a, tua manawh in, Khrist batna nei a hihsiangthouna lampi ah i pailen hi. Tua bukimna i tunma teng, eite Pathian' ta ihihna hon chiamtehtu leh kemit tu ahi. Melma Setan leh a kaihzatamte ading in, piangthak taktakte tuh Kha Siangthou chiamteh leh sungluahte ihihman in, hon thuneih khum thei nawnlou uhi. Kha Siangthou tuh hon chiamtehtu (seal) ahihman in, kuaman hon suse theilou hi. [Efesate:4:30]Tua chiangin, Pathian' Kha Siangthou lungkham sak kei un. Tatna ni adinga Pathian in tua Kha Siangthoua hon chiamteh ahi.

THUMNA AH, THILHIHTHEIHNA NEI A HON THUAMTU DING A PIAK I HI: Gingtute'n ei vuak ah Khristian vualzou hihna ding leh Pathian nasepna ding in thilhihtheihna kinei lou hi. Tua ahihman in, Jesu Khrist thilhihtheihna a thop a i omna ding a, Kha Siangthou piak a om kichi ahi. Hiai vangletna/thilhihtheihna tuh "dunamis" kichi a pan lakkhiak, "dynamite" kichi thumal hong piankhatna ahi. Hiai thumal mah Sawltak Paul inle ana zang a, "Khrist ka theinuam a, a thohnawanna vangletna (dunamis) ka theinuam hi" (Fil. 3:10). Kha Siangthou' thilhihtheihna tellou in khristian hinkhua tuh haksak, nuamlou chihleh hilou in, thilhihtheilou ahi. Jesu'n leng, "Kei tellou a bangmah hihtheilou na hi uhi" (Jn. 15:5) na chikhin hi. Zechariah in leng Pathian in, "Thahatna hilou, thilhihtheihna hilou in, Ka Kha pansan in na matun zou ding" na chi hi.

LINA AH, THEIHPHNA DING A PIAK I HI: Gingtute'n Kha Siangthou thopna tungtawn a thilhihtheihna i

ngahpen uh, tangthupha Puanzakna ding, theihpihna nasepna ding a I zat ding ahi. Thildang – eimah metna, nopsakna leh hamphatna ding a zat dia piak hilou in, Pathian' nasepna ding a zat ding chihna ahi. Hiai thilhihtheihna na neih/ngah Chiang un, Jerusalem ah, Judia ah, Samaria leh kawlmong dong ah, kei' non theihpihna nasepna ding un na zang un, chidan ahi. Eite'n zong, Kha Siangthou piak a omna san theihpihna nasepna ding ahihdan i mangngilh khak ding pilvang ni.

Thukhitna: Pentecost ni a Kha Siangthou piakna in, Toupa hon itdan leh khotuahdan muhtheih in om hi. Hon ompih, hon khamuan, panpih leh sinsak gige ut Pathian ahihdan hon musak hi. Amah' aa ihihna ei kikepbit hi masalou a, ama'n a Kha a hon chiamteh a hon kemit i chih Chiang in a lungmuanhuai lua hi! Tua kia hilou, a thilhihtheihna kichiangtanlou eite' hamphatpih leh zat ding a hon piak thupi lua hi! Hiai thilhihtheihna zang in Khrist theihpihna i semzel na hiam? chih kidot chiat a poimoh hi.

PENTECOST NI THUPUAK

-Upa Dr Langkham

Sawltak Paul in Pentecost Ni Jerusalem a zat teitei a lunggulh bang deuh in kou le tukum Pentecost Ni, I khawpi Lamka a zat ding ka na lunggulh mahmah uhi. Pathian Khasiangthou vehna hongtunga khalama halhthakna thupitak in i saptuamte honnuai ding deiha mi tampi thumna dawnna muh ding ka lamem petmah maw hi.

Pentecost Ni hongtun ni a nungzuite hat leh hangsan tak ahihtuak khol kei ua, mi 120 vel kikhawm a a omna uah Pa' chiam Jesu Khrist mah in, "nana ngak un" A chih Khasiangthou, van apan in a hongtung guih hi. Lung kituak taka thum kawma a omkhawmna inn uah lauhhuai mahmah huihpi hat ging bang in thil lamdang ging ngaihtak zak leh theih in a hongtung guih hi. Huaiphet hilou in thil lamdang dangkhat michih tung ah mei (fire), lei (tongue) banga kihawm kual ziahziah in hong om hi. Huan a vek un Khasiangthou a dimsakin a omta uhi. Huaizawhin Kha in a pausak bang in pau tuamtuam in hong pauke maw ua, Jerusalem a om mi tampite'n lamdangsa in hong taikhawm hial uhi.

Gamtuam tuamtuam tampi akipan hong paite'n amau pianpih pau chiat un Pathian nasep thupite tua muna om Khasiangthou a dimte kam apan aza maw uhi. Lamdang a sa leh lungzing in a om ua, "Bang thu hita hiam" chi in abuai gawp uhi. Tua lai in Peter in Jesu Khrist theihpihna thu Chiangtak in hon genkhia mipi 3000 vel in a thilhihkhelhte uh kisiik (lunghei) in Jesu Khrist, Messiah Hondampa ahihna poma baptis a om in nungzui di'n kipia uhi.

Tua nungin gingtu mi kibehlap tou zel ua, damlou khebai hihdamna bang, Pathian leh mihing khemtumtute (Anania leh Saphira) te kipholkhia in a Siangthou Pathian: sianthouna saptuam masate lak ah kepbit in om hi. Huchi in Khasiangthou a dimte sawtlou kal in khawvel pumpi lumlet tute hong suak uhi.

Tuni'n Khasiangthou vehna i saptuamte ah hongtung nawn mahmah henla, piangthaksa mite Pathian Khasiangthou a dimsakin om nawn le chih I lunggulh petmah hi. Tuni'n eite:n Sam 139 a gen bang in i hinna kivel chianthak in ei a khelha om, Toupa' mel liahteite koikhia vek ni. Hileh Toupa Pentecost Ni bang in a Khasiangthou a hon dimsak dinga, Pathian thilhih thupite i hinna leh i awte suah a pau thakte zangin Pathian thupinate i puangzak thei ding uh hi. I hindan i gamtatdan kikhekte 'sermon' lalak a sermon thupipen' hong hithei ding hi. Tua bang ding Toupa Thupha a tangtute hidingin Toupa Khasiangthou a dimsak chiat in om leng maw!

PASTOR BIALVEH:**PASTOR MINLIAN & TUAILAI MI THUM CHANDIGARH AH**

EBCC Chandigarh a Pentecost Sunday vazang leh baptismal service cihte kop di'n zan, Kiginni nitaklam in Pastor Minlian & co. in Chandigarh na zuan uhi. TOUPA'N pha Asak leh, pastor & a lawmte 09/06/2019 (Nipini) nitak in hongkik ngal di uh. Mimal thumna ah na cover ciat ni. Pastor zui thei tuailaite: Pa Kapgoulian (VC, BYF/ CW), Tg. Lalsuanmang (FS, BYF/ Driver) leh Tg. Kamsuanmang (MT/ Cameraman). Pastor hunzatna thugelh leh video coverage final product + limlak omtheite EBCC Delhi vanneih(property) hi di'a hisap ahi. All for His glory!